

**CUSTOS (Pierre), notaire de Villemur (Villemur-sur-Tarn), minutes 1658, f° CXVI (v°) & ss., Archives départementales de la Haute-Garonne, cote 3 E 21840, PH/JCHR/6991.**

(...)

Testamant Vialare

Au nom de dieu soit l **an**

**mil six cens cinquante huit & le vingtiesme**  
jour du mois d **avril** apres midy regnant nostre  
souverain et( )tres chrestien prince louis quatorse

.....  
Cxvii.

du nom par la grace de dieu roy de france  
et de navarre **dans la maison de la testatrix**  
sy apres nommee scize **dans l enclos de**  
**villemur** et **rue dicte de castelpalhas**  
diocese bas montauban et seneschaucee de tholose  
par devant moy no(tai)re royal soubssigné et  
presans les tesmoings bas nommes  
establie en personne **jeanne vialare vefve**  
**de pierre delmas marinier** de villemur laquelle  
gisant dans un lit a la salle de lad(ite) maison  
respondant sur ladite rue dettenue de certaine  
maladie corporelle toutesfois dieu graces  
bien voiant & oyant parlant et estant en  
ses bons sens jugemant memoire &  
cognoissance considerant n( )y avoir rien  
de plus certain que la mort ny de plus  
incertain que l heure non induitte ny  
subornee de personne de son bon gré  
a fait et ordonne son trestamant nuncupatif  
en la forme suivante en premier lieu  
a fait le signe de la croix sur sa personne  
recommandee son ame a( )dieu pere filz  
et( )sainct sperit & supplie icelluy de bon  
coeur luy pardonner toutes ses fautes et

.....  
pechés et( )vouloir colloquer son ame en son  
paradis celeste pour l( )amour de son( )tres cher  
et bien ayme filz nostre seigneur jesus  
christ et par l intercession de la glorieuse  
vierge marie saints et saintes de paradis  
a volleu et ordonné veut et ordonne la  
testatrix apres que son ame sera separee  
de son corps qu( )icelluy soict ensepvelly au  
**simittiere saint jean** dudict villemur selon  
l ordre observé en la relligion catholique  
et apostolique romaine dont elle fait  
proffession remettant ses honneurs funebres  
a la discretion de sa filhe et heretiere sy  
apres nommée item a donné & legué

donne et legué ladite testatrix a **francoise  
seignoure sa filhe** legitime et naturelle  
**et de feu gabriel seignour son premier  
mary femme de jean gourmanel** du lieu  
**de monvalen** outre la constitution dottalle  
qu( )elle luy auroit faicte par les pactes de son  
mariage avec ledit gourmanel scavoir est  
la somme de quarante livres t(ournoi)z paiable

.....

Cxviii.

dans quatre ans après son decés sans  
intherest scavoir dix livres a chasque fin  
d année moyenant quoy l( )a faicte et( )instituee  
son heretiere particuliere a ce que ne puisse  
rien plus prethandre ny demander sur ses  
biens et hereditté et en tous et chacungz  
ses autres bien meubles et( )immeubles presans  
et advenir ou que soient et luy puissent appartenir  
ladicte testatrix a faicte instituée et de sa  
propre bouche nommée son heretiere  
universselle et generale assavoir est  
**anthoinette seignoure son autre filhe** aussy  
legitime et naturelle **et dudit feu gabriel  
femme de joseph falguiere peigneur de  
laine** de ceste ville pour par icelle  
soudain après son decés en jouir faire  
et disposer a ses plaisirs et( )volontés & cé  
en recompance des bons et agreables  
services qu'en a cy devant receus et( )recoict  
journallemant en sa presant maladie et  
tel a dit laditte vialare testatrix estre  
son testamant que veut que vailhe et soit  
valable par droit de testamant ou dé

.....

codicille ou de donation faicte a cause de  
mort ou disposition de derniere volonté et  
par toute autre meilleure voie que de droit  
pourra valloir revocquant et annullant  
tous testamans donations a cause de  
mort ou autres dispositions qu( )elle  
pourroit avoir sy devant faictes et voulant  
que le presant soit son vray et( )unique  
testamant & affin qu( )il soit d autant plus  
efficace et( )né puisse estré revocqué en  
doubte a( )priés les tesmoings cy apres  
nommes par elle faitz appeller et recognus  
l un apres l autre d estre memoratifz  
de ceste sienne volonté et( )presante  
disposition et( )requis moy dit notaire  
d en rettenir instrumant ce qu( )ay fait  
en presance de m(aître) anthoine boyé  
estienne hugonenc notaires royaux

anthoine gailhard maistre tailleur  
d( )abitz, pierre perrat marchand, j éan  
vernhere vieux dit jean pichou boucher

.....  
Cxix.

jean pontier fouleur de drapz et gabriel  
malpel praticien de villemur, dont lesditz  
boyer, hugonénc, gailhard, peyrat et  
malpel ont signé avec moy notaire lesd(its)  
testatrix, verheres et( )pontier ont declare  
ne scavoir

r.

Boyer, p(rese)nt            Hugonenc

Peyrat            Malpel

A. Gailhard

Custos, not(air)e r(oyal)